



# KHUTBA JUMMAH

HAZRAT MUHYI-UD-DIN AL-KHALIFATULLAH

*Munir Ahmad Azim*

07 Octobre 2016 ~  
(05 Muharram 1438 Hijri)

*(Résumé Khutba)*

**Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite cause lors « Lé Cœur Pur » :**

يَوْمَ لَا يَنْفَعُ مَالٌ وَلَا بَنُونَ إِلَّا مَنْ أَتَى اللَّهَ بِقَلْبٍ سَلِيمٍ

**Yawma laa yanfa 'u maa luww wa laa banuun. Illaa man 'atallaaha bi qalbin saliim.**  
« Jour kot ni l'argent, ni zenfants pas pou d'aucaine utilité, sauf celui ki pou vine vers Allah avec ene lé cœur pur. » (Ash-Shu'ara 26: 89-90).

Kan le jour du jugement dernier pou vini, seulement ene lé cœur pur (*Qalbun Saleem*) ki pou profite ene dimoune. Kan mo dire ene lé cœur pur, alor mo pé rode dire ene lé cœur ki possède la foi ki fine enseigner par Allah et So bane prophètes (as) et ki libre de tous bane formes de *Shirk*. C'est aussi, couma mo fine dire zot « *ene lé cœur ki pur de bane malpropreté ki vini par bane actes de désobéissance.* »

Lé cœur li continuellement exposé à bane tentations de sa lé monde ici-bas là. Quand sa lé cœur là li rempli avec la crainte d'Allah, alor li résister à sa bane tentations là. Mais en l'absence de sa grand la crainte respectable pou Allah là, alor lé cœur pou vine corrompu et pou pousse sa dimoune là pou désobéir à so Créateur.

Le Saint Prophète (saws) fine dire : « *Bane tentations pou frappe bane les cœurs couma ene tapis ki fine filé brin par brin, kot alor ene tâche noire pou inscrire lor sak lé cœur ki laisse li tenter par sa bane tentations là, et ene tâche blanc inscrire lor sak lé cœur ki rezette sa (bane tentations là) ; ziska séki lé cœur ki continuellement tenter (avec bane tentations là) vine noir et vine enflé comme ene broque renverser ki ni servi à nannié et ni li pas rejette aucaine mal, et (aussi ziska) ki lé cœur ki résister à la tentation vine tellement blanc ki aucaine tentation pas pou atteindre li tant ki bane les ciels et la terre pou durer. » (Muslim).*

L'homme bizin livré li durant toute so la vie dans ene la lutte sans merci contre bane séductions et bane tentations de sa lé monde ici-bas là. Pour réussi surmonte sa et gagne la victoire, li bizin fortifier li par bane actes d'adoration.

Shaytane cherche à tout moment pou mette so poison dans lé cœur de l'homme afin pou égare li et fer li alle dans la perte. Alor Shaytane installe li dans lé cœur d'ene dimoune kan sa dimoune là li vide de bane pensées d'Allah (*Zikrullah*) – c'est-à-dire, kot sa dimoune là pas pense Allah ditout – et Shaytane rode domine li par so bane « *waswasas* » (soufflements). Du moment ki sa dimoune là mazine Allah, li (Shaytane) gagne déshonneur et li aller.

Mais, faudé pas nous perdi de vue aussi le fait ki le cœur li sujet à deux sortes d'inspiration. D'ene part, ena, couma mo fine mentionner avant, bane pensées ki vine de Shaytane ki faire manifester la désobéissance à Allah et aussi l'assouvissement de bane désires illicites. D'autre part, ena ene ange attribué par Allah pou sak être humain ki inspire l'homme pou accomplir bane bon travaux.

Le Saint Prophète (saws) fine dire : « *Deux soufflements surgir dans lé cœur, ene premier vine de ange ki suscite le bien et la volonté pou croire dans la vérité. Ki celui ki ressenti sa apprane ki sa vine de Allah, et alor li bizin glorifié Allah (pou sa). Et ene deuxième (soufflement) vine de l'ennemi (c'est-à-dire, Shaytane) ki suscite le mal et la volonté pou renié la vérité et pou détourne (dimoune là) du bien. Ki celui ki ressenti sa, cherche aide avec Allah contre Satan le maudit. » (Tirmidhi).*

Avant termine mo Khutba, mo pou cite quelques versets Quran Shareef et détrois Hadiths lor sa sujet là :

## **QURAN:**

**« Malheur donc à bane ki zot les cœurs endurci contre le rappel d'Allah. Sa bane là zot fine clairement égarer. » (Az-Zumar 39: 23).**

« Eski to trouve celui ki fine pran so passion pou so bondié ? Allah fine laisse li égarer et fine mette ene scellé lor so zoreille et so lé cœur et fine mette ene voile lor so lizié. Ki sanlà pou capave guide li après (ki) Allah (fine égare li) ? Eski zot pas réfléchi ? » (Al-Jathiyah 45: 24).

« Bane ki fine gagne la foi et ki zot lé cœurs trouve tranquillité dans le rappel d'Allah. » (Ar-Rad 13: 29).

#### HADITHS:

*Si bane diables pas ti voile les cœurs de bane zenfants d'Adam (par bane tentations ki égare zot), alor sa bane là ti pou trouve le Royaume de bane les ciels. (Ahmad).*

*Ena dans lé corps ene morceau la chair ki, si li propre, pou fer lé corps en entier vine propre, mais si li corrompu, li pou corrompte tout lé corps là (en entier). Sa (morceau la chair là) c'est lé cœur. (Bukhari).*

Ki Allah protéze nous lé cœurs contre toutes sortes de bane maladies physiques et spirituelles. Nous bizin bien garde à l'esprit ki la mort spirituelle du cœur li bien plus grave ki n'importe ki les autres maladies. Alor, nous bizin faire de nous mieux pou poli nous lé cœur par bane la prières (*Namaz, Duas*) et pou préserve li contre tous bane mals. *Insha-Allah, Ameen.*